

Հ Ա Ի Ա Տ Ք

Ա. ԳԼՈՒԽ

ԼԵՌՆԵՐԻ ՊԱՇՏԱՄՈՒՆԲ

Վարանդացին հեռու անցեալում և մեծ մասամբ այժմիս էլ աստուածացրել է ամբողջ բնութիւնը և ծունր դրել նրա առաջ: Քիրս լեռը իւր սպիտակափառ գագաթով նուիրական է եղել նրա համար. շատերը ծունր չոքած աղօթել են նրա առաջ: Դեռ մինչև այժմս էլ Քիրսի աստուածացման վերաբերեալ աւանդութիւններ շրջում են ժողովրդի մէջ և լերան վերալ գտնուող բազմաթիւ ուխտատեղիները խլել են նրանից նրա աստուածացումը: Խերխան գիւղի Ծծաքարի աւանդութեան մէջ *) թշուառ կինը Քիրսին է գիմում և խնդրում իրեն քար դարձնել, որ և կատարւում է:

Աշտն գիւղի Յից քարը **) դարձեալ մի կին է եղել, որ աւագակներից հալածուած՝ խնդրել է Քիրսին և քար դարձել:

*) Տես երես 189.

**) Տես երես 193.